

ehen/Gotteslästern / Sacramen-
 ten schweren höret man bey Arm
 vnd Reichen / man achtet mehr
 kein Wundergeschicht/ ja nach kei-
 nem Zeichen fragt man nicht/ inn
 dem Windt thut man alles schlas-
 gen.

Man erföhret jetzt inn allem
 End/der Welt böß art vnd Leben/
 darumb dreyet alle Firmament/
 inn ihrem schein merck eben/groß
 Trübsal ist inn aller Welt / die
 Frucht verdierbt offte auff dem
 Feldt/groß Vbel thut man hören.

Niemand wil sehen die ursach
 an / daß mercket wol vnd eben/
 warumb es so vbel thut zugahn/
 niemandt bessert sein Leben / man
 lebt inn aller Sünd vnd Schandt/
 grosse Vnzucht ist inn allem Land/
 bey Jung vnd Alten gewohnet.

46

Die Jugend steckt voller muthz
will / von den Eltern thun sie leh
ren / seynd abgericht auff fluchen
vnd spielen / niemand thut ihnen
das wehren / Ja manches Kind zu
dieser Zeit / vmb Vatter vnd Mut
ter gar nichts gibt / Warrun ist
ganz verlohren.

100 Gottes Heyliger Nahme /
der wirdt geschendt / man lästert
grawsam sehre seine Wunden /
Tauff / vnd Sacrament / thut man
höchlich vnehren / bey Sonnen /
Zentner / vnd Wunden schwer /
O du Ewiger Gott vnd HErr /
schrecklich man auch erfähret.

Der Menschen / vil vnd grosse
Anzahl / die vom Sathan verblen
det / vnd sich dem Teuffel ergeben
all / Von GOTT im Himmel ge
wendet / gehen vmb mit viler Zau
berer /

184
beren/ mit Fantafen/ vnd Hurerey/
vil Tausent Mann solcher findet.

Wie kan es dann wol stehen
inn der Welt / wie soll vns GOTT
bewahren / weil sich der Mensch
zum Teuffel gesellt / vnd wil von
GOTT nicht lehren / stürkt sich
hiemit/ mit Seel vnd Leib/ verleuz
ret die Ewige Seeligkeit / darvor
vns GOTT bewahre.

Weil solche Lafter nun gar
gemein / thut man groß Wunder
sehen / drum mercken alle groß
vnd klein/ was newlich ist gesche
hen/ zu Endingen/ dem Stättlein/
welches Wunder / Arm / Reich/
groß / vnd klein/ vil hundert Mens
schen gesehen.

Den 17. May/ daß ist gewiß/
groß Wunder thet man schawen/
da sahe man trawrig zu der frist/

den Schweiß vnser lieben Frauen/
das weynet sehr ohn alle maß/vil
Zähern sie durch damit vergos/
der Schweiß herab thet dringen.

Vber die Wangen ihr das ab-
rann/vnd auch dem Iesus Kinde/
fast drey stund haben Weib vnd
Mann/vnd auch das lediz Gesin-
be / gesehen solcher Wunderge-
schicht / welches gänzlich zuver-
achten nicht/dann man auch wird
befindrn.

Das solches grosse Wunder
zwar / was sonders wirdt bedeu-
ten / drum last vns alle nemmen
wahr/ihr wehrten Christen Leu-
te / lasset vns abstehn vnd Busse
thun/von Herzen Reuwe / ja je-
derman die Sünde auch fliehen/
vnd meyden.

Das helff vns **IESVS**
vnsrer Trost/der aller Welt zu gute/
am Henligen Creutz sein Blut
vergoß/Meid die Sünd vnd Vn-
gerechtigkeit / so kompst du zu der
Ewigen Frewdt/vnd entgehst der
Höllen Wüthen/Amen.



Getruckt zu Fröwburg in Briss-
gaw/durch Martin Pöchler/
Anno 1616.



